

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

افریقا جهادی :

درنده :

مجاهدین محترمه اسلامیة بنغازی قوماندان و متصرفی انور بك طرفندن درنده دن مصر فوق العاده قومیسر لکنه کشیده اولنوب مصر غزته لرنده نشر اولونان تلغرافلرک ترجمه سیدر :

۸ تشرین اول . — ۸ تشرین اولده ایتالیانلر برالای واریره عسکرندن دزت طابور ایله درنده مسلط اولق اوزره انتخاب ایتدیکن مرکزہ غرب طرفندن و دیگر برالای ایله سید عبداللہک حصارہ سنک بولوندی « الحرابہ » یه دیگر برجهتدن هجوم ایتدیلر . بونک اوزرینه ارمہ مزده بیوک برمصادمه وقوع بولورق تام اون ایکی ساعت امتداد ایتدی . بومصادمه یوزباشی رتبه سنده برضابط و برنفر نظامیہ شہید و برملازم ایله برنفر نظامیہ دن و مجاہدین عرباندن اون ایکی کشتی مجروح دوشمش و برکوچک ضابط ایله ایکی اونباشی غائب اولمشدر . نتیجہ ده « الحرابہ » موقعی استیلا ایشلردر .

۹ تشرین اول . — ۹ تشرین اولده مذکور موقعی اشغال ایدن دشمنک عسکری جنوبہ طوغری ایلرلیہ رک خطر رجعتی کسمک ایتدیلر . بوسبیلہ ده ارمہ مزده بیوک برمصادمه جریان ایش و بوتون کون امتداد ایشلدر . بونتیجہ ده دشمنلر جنوبہ طوغری بش کیلو مترو مسافہ ده کائن « سفوح » ی دخی اشغال ایلدیلر .

۱۰ تشرین اول . — بوکون دشمن یکی اشغال ایلکاری یرلردن بزمه هجوم ایتدیلر . قوتلری اون ایکی طابور ، اوچ جبل بطاریہ سی ، ایکی طابور سوار و برطابور طوچی و درت طابور ایتره عسکری ایدی . ارمہ مزده جریان ایدن مصادمه کیجیہ قدر امتداد ایش و نتیجہ ده دشمن پک فدا برحاله مغلوب اولورق فوق العاده ضایعات و یردکدن صکره استیلا ایلکاری و طوپلرینک بولوندی ساحتہ رجعتہ مجبور اولمشلردر . الیزہ دوشن غنائم آرمہ سنده برنجی آلاہ متعلق بر طاقم اوراق ایله بر چوق اسلحه واردی . پنی آلاینک الی ایکنجی بلوکی افرادندن تری جوانی نامنہ بر نفری اسیر ایتدک . بو مصادمه ده بزدن بالکز بش ضابط و ایچلرندہ بر چاوش بولوندی حالہ طوپچیلردن یدی نفر خفیف صورتده جرح اولومش و ملیسیدن بر نفر شہید اولمشدر . دشمنک آلتی پیاده طابوری ایله ایکی بطاریہ سی مرکزہ طوغری ایلرلیہ مک ایستہ مشلر سده بوحالی کورونجه ذره قدر بر تجاوزده بولونمہ دن کری دوغملردر .

۷ تشرین اولده ایتالیانلر بومبا ساحتہ برطابور پیاده ایندیرمشلر سده کوندردیکمز قوت اورایہ مواصلت ایتزدن اولبیلہ مذکور طابوری کمیلرہ ارجاع ایشلردر .

عینی کونده وایکی کون صوکره سوسه سولرندہ بر قاق قروازور طورمش و ساحتہ بر چوق کوللر آتمش ایسده بوکوللر ذره قدر بر تأثیر یامامشدر .

مصر :

شیخ عبدالعزیز پارسہ . — حکومت معنیہ طرفندن مصر حکومتہ تسلیمی بر چوق قبل وقای موجب اولان « الهلال العثماني » صاحب محترمی مشاہیر ادبای عربدن شیخ عبدالعزیز چاویش حضرتلرینک مصر محکمہ سنجه برائتہ حکم ایدیلرک بلا تأخیر خطہ مصریہ دن چیمق شرطی ایله سییللری تخلیه ایدیش وصالی کونی صباحین در سعادتہ واصل اولمشلردر .

مجامع بیت الله الحرام . — « العلم » غزته سنک یازدیغنه نظراً ایکی هفته بوندن اولنه قدر قنالدن کچمک اوزره ۴ بیک و نفسی مصردن دخی ۳ بیک حجاج کرام سمت حجازہ عازم اولمشلردر .

روسیا :

دوما انتخابانی واسلاملر . — کچن نسخه مزده روسیا دولتک دوما انتخابانده منافع ملیہ لرینی کوزتمک اوزره چالیشان اسلاملری تضییق ایتدکده اولدیغنه بر نمونہ اولورق محترم متصودوفک اسمک منتخبین لیستہ سندن اخراج ایدلدیکنی یازمشدق ، بوکره دخی عینی تضییق نتیجہ سی اولورق انتخابات حقندہ یازمش اولدیغنی باش مقالہ سندن طولانی قزانده منتشر « وقت » سر محرر لکده حبس ایدلدیکی روسیا غزته لرندہ اوقومشدر .

ایران :

حکومتک بکی پروگرامی . — ایران حکومتی بالمورالده قرارلاشد . یریلہ حق اولان روس وانکلز نوطہ سنک کندینہ یریلہ سنی قارشیلماق مقصدیلہ ایران اصلاحاتہ عائد اولق اوزره منتقل بر پروگرام ترتیب ایتشد . طهرانده کی سفیرلری واسطہ سیلہ روس وانکلز دولترینه تبلیغ اولنان بو پروگرام آتیده کی فصولی حاویدر :

(۱) اسوچ ضابطانی تحت قومانداسندہ تشکیل اولنان ژاندارمه و پولیس واسطہ سیلہ مملکتک اساسی داخلینک تأمین (۲) ایران ایشلرندہ علاقہ دار اولیان کوچک اوروپا دولترلرینک برندن جلب اولنان ضابطان قومانداسی تحتندہ اولورق ۲۸۰،۰۰۰ کیشیلک براردو تشکیلی (۳) — دولتی منایع وارداتک تحت ضمانندہ ، یاقین بر زمانده ایکی میلیون روبلہ ق بر آوانس آلق شرطیلہ ، ۵۰،۰۰۰،۰۰۰ روبلہ ق بر استقراض عقدی . (۴) — جزر دریاسنی ، بصرہ کورفزی ایله وصل ایدہ جک بر شمندوفر امتیازینک بین الملل بر قومانیایہ اعطاسی (۵) — مجلس ملینک کشادی ، ایران اراضینک اجنبی عسا کرندن تطهیری ، صمد خانک آذربایجان ایاتی امورینہ قطع مداخلہ سی و شاهسون اغتشاشاتک ایران حکومتی ایله خاتمہ پذیر اولمہ سی و سائطیلہ حیثیت حکومتک تأمین .

بونلرہ علاوه ایران حکومتی روس وانکلز حکومتلرندن شاه سابق محمد علی میرزانک تکرار ایرانہ عودت ایدہ میہ جکنک بالخاصہ تأمیننی رجایدیور .

طهرانہ محاصره ده . — بو هفته تلغرافلر ایراندن غایت موسف بر خبر کتیردیلر . شاه سابقک برادری ، شقاوتلریلہ شهرت بولان سالارالدوله بر چوق هزمتلردن صکره تکرار طهران جوارینہ قدر کلک موفق اولمش و (قسطنطینوپل) آژانسک استخباراتنه نظراً (۸۰۰) (!) سواریلہ طهرانی تحت محاصره یه آلمشدر . طهراندہ اداره عرفیہ اعلان ایدیش و شهرہ حاکم اولان مواقع و استحکاماتہ طوب وضع ایدیش و لوازم مدافعه یه توسل اولونمشدر .

وثائق تاریخیه

مختاریت فرمانی

طرابلس و بنغازی مختاریتی حقندہ فرمان عالی صورتیدر :

طرابلس غرب و بنغازی اشراف و اعیان و اهالیسنہ توقیع رفیع هایونم واصل اولیجق معلوم اوله که حکومت بر طرفدن مملکتکزی مدافعه ایچون محتاج اولدیغکمز معاونت موثره یی ایفا ایتک امکانشزلغندہ بولندی و دیگر طرفدن سزک سعادت حاضرہ و آتیہ کزی دوشندیکی و کرک سزلر و کرک عائلہ لرکز ایچون داعی مضرات و دولتمز ایچون موجب مخاطره اولان بر حربک دوامنی بر طرف ایتک ایستدیکجی جهتله مملکتکزده صلح و سعادت حالی تقریر و تجدید ایتک امنیه سنہ و حقوق حکمرانیمزہ ابتناء سزه مختاریت تامہ بخش و اعطا ایدیورم . مملکتکز قوانین جدیدہ و نظامات مخصوصه ایله اداره ایدیلہ جک و بونلرک احتیاجات و عاداتکزه موافق اولسی ایچون احضارینہ